



05 /Nr. 4756 /2023

RAPORT PËR PLOTËSIM NDRYSHIMIN E STATUTIT TË KOMUNËS

Plotësim ndryshimi i Statutit të Komunës së Hanit të Elezit është dorëzuar në Komitet për Politik e Financa për shqyrtim dhe pastaj është përcjell për Kuvend.

Kuvendi i Komunës shqyrtoi Plotësim Ndryshimin e Statutit të Komunës dhe e votoi për në debat publik. Njoftimi për debat publik është bërë me kohë dhe debati është mbajtur me datë 25.04.2023 në Sallën e Takimeve të Komunës së Hanit të Elezit në ora 14:00 dhe prezent ishin 14:00 qytetarë të Komunës së Hanit të Elezit.

Drejtori për Arsim Kulturë, Rini dhe Sport dhe Drejtoresha për Zhvillim Ekonomik kanë paraqitur propozimet dhe arsyet për ndryshimin në këto drejtori.

Drejtorja për Arsim, Kulture, Rini dhe Sport ka propozuar që të ndahet kjo drejtori duke u themeluar një e re. Drejtorja për Arsim do të ndahet dhe do të krijohet Drejtorja për Kulture, Rini dhe Sport.

Përgjegjësitë e Drejtorisë së Arsimit do të mbeten të njëjta, ndërsa ato për Kulturë, Rini dhe Sport do të jenë si më poshtë:

Përgjegjësitë që duhet ti ketë Drejtorja për Kulturë Rini dhe Sport

- a) Menaxhon në mënyrë të drejtë me të gjitha objektet e komunës, të kulturës, sportit dhe rinisë.
- b) Organizon takimet me rëndësi kulturore, sportive dhe të rinisë për komunën,
- c) Organizon debate për zhvillimin e kulturës, sportit dhe rinisë në komunë,
- d) Kujdeset për të arritura kulturore, sportive dhe rinore në komunë dhe mban evidencën mbi këto të arritura.
- e) Zhvillon planin për mbështetjen e aktiviteteve kulturore sportive dhe rinore.
- f) Kryen punët tjera të përcaktuara nga ligjet përkatëse dhe të caktuara nga Kryetari i Komunës.
- g) Në kuadër të kompetencave dhe autorizimeve të saja në fushën e veprimtarisë është përgjegjëse dhe obligohet;
- h) Ushtron aktivitet të planifikuara, duke udhëhequr me resurset (burimet) lokale, kulturore të rinisë dhe të sporteve.

- i) Propozon dhe përgatitë paralogaritë buxhetore të drejtorisë në kuadrin e organizatës buxhetore të administratës Komunale, dhe të njëjtën e bën publike, dhe ndarjen e tij për aktivitet kulturore, rinore dhe sportive si dhe do të përpilon rregullore për ndarje prioritare dhe proporcionale të buxhetit të saj për fushat e veprimtarisë që do të mbulon.
- j) Bënë organizimin dhe përkujdesjen për shënimin e datave me rëndësi dhe vlera të dëshmuara historike (Planin vjetor të punës për Kulturë, Rini dhe Sport në Komunën Hani i Elezit).
- k) Organizon debate, tryeza me shtresat e shoqërisë civile dhe organet shtetërore me qëllim të avancimit, zhvillimit dhe promovimit, të fushës së kulturës, preokupimet, problematikën dhe aktivitetet e rinisë dhe të sporteve në të gjitha degët dhe disiplinat e tij.
- l) Udhëheqë me përgjegjësi të lartë ligjore me arkivin Komunal dhe lëndën arkivore dhe përkujdeset për ruajtjen, konservimin dhe mirëmbajtjen e pasurisë arkivore.
- m) Udhëheqë me Qendrën Kulturore "Imri Curri" bibliotekën Komunale dhe palestrat sportive në hapësirat e Komunës Hani i Elezit.
- n) Përpilon, rishikon dhe ndryshon punët dhe veprimet juridike të raporteve juridiko-civile kontraktuale, në lidhje me objektet e kulturës, rinis dhe sporteve.
- o) I raporton kryetarit të Komunës për përgjegjësit dhe detyrat e drejtorisë si dhe bashkëpunon me drejtorit tjera të administratës Komunale dhe Kuvendin Komunal, si dhe organet e sigurisë në Komunë.
- p) Përgatitë raporte të arsyetuara dhe të argumentuara kur kërkohet nga anëtarët e Kuvendit Komunal, apo KPF të Kuvendit (në formë pyetje-interpelancë-kuvendare) me miratim dhe autorizim të Kryetarit të Komunës.
- q) Të krijoj relacione bashkëpunimi funksional dhe hierarkik me ministrin e Kulturës, Rinis dhe Sporteve dhe të kërkoj mbështetje për projektet e drejtorisë në fushën e Kulturës, Rinis dhe Sporteve.
- r) Të përkujdeset për sigurimin e resurseve njerëzore dhe materiale (financiare) për realizimin e programeve të rinisë.
- s) Bënë licencimin e qendrave rinore dhe regjistrimin e grupeve, klubeve, ansambleve etj.
- t) Kujdeset për trashëgimin kulturore dhe historike materiale të Komunës. (xhamit, shkolla muze, shtëpitë e banimit (të vjetra) dhe strukturat tjera që dëshmojnë histori - si burime materiale historike dhe së bashku me MKRS dhe donator kujdeset për mirëmbajtjen dhe restaurimin e tyre në përputhje me identifikimet e kësaj pasurie kulturore në PZHU, të Komunës së Hanit të Elezit.
- u) Ushtron, dhe promovon dhe nxit bashkëpunimin, me qytete tjera të Republikës së Kosovës dhe me shtete tjera në përputhje me politikat jashtme të shtetit të Kosovës, për të mundësuar integrim të mirëfilltë kulturash dhe këmbim përvojash në interes të zhvillimit të kulturës në përgjithësi dhe integrimin kulturor të rinisë së Mërgatës sonë në diasporë.
- v) Respektimi, hulumtimi dhe përkrahja dhe ndihma për asociacione, klube dhe shoqata dhe hulumtimi i individëve me aftësi fushat e kulturës dhe sportit dhe mbështetja e tyre me transparencë të plotë dhe pa kurrfarë diskriminimi.

- x) Bashkëpunimin me drejtorinë e arsimit në lidhje me reformat dhe kushtet që mundë ti kenë të rinjtë (duke organizuar, gara, kuize dhe forma të tjera të aktiviteteve kulturore shkencore dhe sportive.
- xh) Organizon, anketa seminare dhe trajnime të ndryshme, me qëllim të njoftimit, promovimit dhe inkuadrimit të të rinjve kosovar, në aktivitetet rinore evropiane e botërore.
- y) Organizon fushata me rininë dhe me shoqërinë në përgjithësi për luftën kundër substancave psikotrope (drogës, duhanit) dhe fushata tjera nga preventiva shëndetësore në luftën kundër -HIV, prostitucionit dhe dukurive tjera negative në shoqëri.
- z) Ushtron edhe autorizime dhe kompetenca të tjera në fushën e organizimit të punës në drejtori, krijimin dhe hartimin e akteve të brendshme për drejtorinë, si dhe bën fletëparaqitjet disiplinore dhe fletëparaqitjet tjera për nëpunësit e drejtorisë në rastet e shkeljeve të detyrave të tyre të punës dhe kodit të mirësjelljes në komisionin si dhe bënë vlerësimin e rezultateve në punë për shërbyesit civil të drejtorisë.
- zh) Ushtron edhe përgjegjësi të tjera të përcaktuara me ligje të veçanta dhe akte nënligjore qendrore apo komunale, si dhe duke u bazuar në udhëzimet strategjike të kryetarit të Komunës dhe të akteve të tij.

Drejtoria për Zhvillim Ekonomik ka propozuar themelimin e departamentit për turizem në kuadër të saj por edhe duke ndryshuar emërtimin së bashku me përgjegjësitë. Emërtimi do të jetë Drejtoria e Zhvillimit Ekonomik dhe Turizmit. Përgjegjësitë e saj propozohen të jenë

Drejtoria e Zhvillimit Ekonomik dhe Turizmit

- a) Përgjegjëse për hartimin e Strategjive zhvillimore ekonomike.
- b) Koordinimi dhe bashkërendimi për harmonizimin e strategjive të Komunës me strategjitë rajonale dhe kombëtare.
- c) Hartimin e projekt politikave në ndihmë të zhvillimit ekonomik të komunës dhe biznesit.
- d) Inkurajim dhe promovim i zgjerimit të bizneseve dhe sipërmarrjes në komunë kryesisht ndërmarrjeve të vogla dhe të mesme.
- e) Ofrim dhe nxitje të përmirësimit të shërbimeve të komunës ndaj biznesit.
- f) Inkurajim, mbështetje dhe menaxhim i programeve e projekteve në mbështetje të biznesit.
- g) Hulumtime për çështjet e zhvillimit ekonomik dhe të biznesit në komunë.
- h) Mundësim i marketingut dhe promovimit të komunës dhe potencialeve të saja.
- i) Mirëmbajtje e statistikave të aktiviteteve biznese në nivel komune.

- j) Harton plane për zhvillimin e industrisë zejtare, dhënien e pëlqimit teknik të lokaleve, inkasimin e pagesave të veprimtarive afariste etj.
- k) Harton planin për shfrytëzimin e burimeve ekonomike që janë brenda komunës.
- l) Krijon kushte të qëndrueshme për zhvillimin e ndërmarrjeve të vogla dhe të mesme.
- m) Përgjegjëse për hartimin dhe monitorimin e planeve strategjike me fokus turizmin.
- n) Krijon kushte për zhvillim të projekteve me qëllim të tërheqjes së investimeve në pikat turistike të territorit të komunës.
- o) Përgjegjëse për promovimin e vendit përmes materialeve informuese për Hanin e Elezit
- p) Organizon takime informuese, konferenca dhe punëtori me qëllim të zhvillimit të bizneseve dhe evente të tjera që i përkasin sektorit të turizmit.
- q) Udhëheq mënyrën e aplikimit në projektet inovative të organizatave të huaja dhe vendore me qëllim të zhvillimeve të reja në vend.

Pas shqyrtimit në debat publik të Plotësim Ndryshimi i Statutit të Komunës është përcjell për në kuvend të komunës dhe mbledhja është mbajtur me datë 30.05.2023 dhe propozimet nga drejtoritë përkatëse janë miratuar në Kuvendin e Komunës.

Hani i Elezi
Data: 06.06.2023

